

江州府志卷第十五

中憲大夫知江南池州府事加六級襄平馬世永編纂

山川志十 石埭

陵陽山在縣北五里高三百五十丈廣二十五里漢縣

以山名子明得仙處晉郭璞詩曰陵陽挹丹溜又曰陵陽宜丹砂山三峯其

東峯屬寧國府太平縣其中峯之半有丹臺高二百餘

丈陵陽子明煉丹之所旁有丹竈丹井即陵巖泉山麓有黃

鶴池白鶴墩黃鶴林皆子明遺跡唐天寶中建仙壇宮

至今祠不絕按宣城圖經陵陽山在涇縣西南一百三十里則今石埭縣北是

唐李白自梁園至敬亭山見會公談陵陽山水兼

期同遊因有此贈

我隨秋風來瑤草恐衰歇中途寡名山安得弄雲月
渡江如昨日黃葉向人飛敬亭愜素尚弭棹流清輝
冰谷明且秀陵巒抱江城粲粲吳與史衣冠耀天京
水國饒英奇潛光臥幽草會公眞名僧所在即爲寶
開堂振白拂高論橫青雲雪山埽粉壁墨客多新文
爲余話幽棲且述陵陽美天開白龍潭月映清秋水
黃山望石柱突兀誰開張黃鶴久不來子安在蒼茫
東南焉可窮山鳥飛絕處稠疊千萬峯相連入雲去
聞此期振策歸來空閉關相思如明月可望不可

行當移白足早晚凌蒼山且寄一書札令余解愁顏

五陵陽山登天柱石訓韓侍御見招隱黃山

李集注齊

賢曰陵陽山在涇縣西南百里子明釣得白龍放之之處今九華志亦撫入非

韓衆騎白鹿西往華山中玉女千餘人相隨在雲空

見我傳祕訣精誠與天通何意到陵陽遊目送飛鴻

天子昔避狄與君亦乘駟擁兵五陵下長策馭

時泰解繡衣脫身若飛蓬鸞鳳翻羽翼啄粟坐樊籠

海鶴一笑之思歸向遼東黃山過石柱巘嶠上攢叢

因巢翠玉樹忽見浮丘公又引王子喬吹笙舞松風

朗咏紫霞篇請開蕊珠宮步網繞碧落倚樹招青童

何日可攜手遺形入無窮

○賈島尋竇仙隱居

羣峭碧摩天
逍遙不記年
躡雲尋古道
倚樹聽流泉
花暖青牛臥
林高白鶴眠
我來山色暮
獨自下寒煙

朱灣同達奚宰遊仙壇

松檜陰深一徑微
中峯石室到人稀
仙宮不住青山
在故老相傳白日飛
華表問我何歲木
片雲留著去時衣
今朝茂宰尋真處
暫駐雙鳧且莫歸

寇豹九日登陵山

絕勝高峯此日臨
長林幽景可追尋
開軒佳菊寒
細拱坐黃山
黛色深羽化子明元
有術詩吟李白亦
何心短章歌罷重懷古
獨立蒼茫思不禁

○贈仙宮道友

雲封丹竈靜霧重玉壇空
野花常捧日山葉自吟風
林泉明月在詩酒故人同
待余逢石髓從爾命飛鴻

○仙壇宮

多年不到此名山
今日重來倚石欄
曲徑綠蘿蒼影
合長林清晝翠陰閒
遊蜂釀密來花底
仙犬迎人出竹間
最是羽人能愛客
淡然相對日忘還

○許渾陵陽春日寄汝洛舊遊

百年身世似飄蓬
澤國移家疊嶂中
萬里綠波魚戀釣
九重青漢鶴愁籠
西池水冷春巖雪
南浦花香晚樹風
縱有芳樽心不醉
故人多在洛城東

杜荀鶴宴黃羽士山房

歸來入陵山常夢
遊清都漆園閱傲吏
惠好在招呼
書幌神仙錄
畫屏山海圖
酌霞復對此
宛似入蓬壺
與諸子入山看碑

人事有代謝
山靈無古今
丹臺存勝跡
我輩復登臨
三峯當戶秀
萬竹映階森
竇仙碑尚在
讀罷費沉吟
羅隱題陵陽山房

丁令辭人世
拂衣向仙路
伏煉九丹成
方隨五雲去

又

誤入花源裏
初憐竹徑深
方知仙子宅
未有世人尋
舞鶴閒過砌
飛猿密嘯林
漸通玄妙理
深得坐忘心
宋魏野煉丹臺

竇令燒丹處
風景每清幽
雲散青天月
山空碧水流
巖花春映日
牕竹夜鳴秋
今古一相接
長歌憶舊遊

王溉遊仙壇

仙壇在絕頂
結友一登臨
犬吠竹籬靜
鳥啼花塢深
甕頭新釀酒
壁上舊懸琴
俗物不到眼
醒人名利心

元陳孟雲黃鶴池

鶴去池空水自清
絃歌猶在萬松聲
不知何覓參同契
一覽仙風無俗情

明聶茂先仙壇

有客曾聞騎鶴遊
飄然千載不回頭
空餘紫氣連雲霧
化作丹光射斗牛
臺殿雖存唐歲月
江山誰管漢春秋
登臨不覺乘風去
倚徧天京十二樓

陳廷節黃鶴池

雨過芳池綠似苔
遠堤楊柳是誰栽
月明如晝天如水
應有仙人跨鶴來

李廷璋九日登陵山訪友

井梧葉落對佳辰
林館相逢笑語頻
痛飲且拚今日醉
重來不厭主人嗔
行行白鴈天邊下
采采黃花雨後新
日暮忘歸更忘宿
坐看涼月爛如銀

張輝仙壇

尋芳拉友上仙壇
抖擻衣冠迴莫攀
藥竈煙消紅日薄
鶴池春漲白雲閒
雨餘泉溜飛三峽
風遞爐香散九還
仙子遺踪俱寂寞
芳名留得滿人間

畢鏘陵陽中峯記

吾埭瀕水而城北
則陵陽山山有三峯
而中峯爲最

高自九華迢遞起伏而來轟聳特拔無與倫比若鵬
鷲飛翔於九霄之上若莪冠盛服拱立殿陛望之儼
然其前則黃山諸巒插雲耀日有蕙萼芙蓉之狀遙
爲賓主蓋奠我邑居雄壯宏麗於此焉觀余茲以暮
春戒徒命輿涉後溪道黃鶴池至仙宮少憩即上丹
臺嶺巖泉以求所謂竇子明故蹟者已乃攜杖履穿
石磴出入乎羊腸鳥道之間遂窮其巔而升焉旣平
且敞可席可坐起而四顧則衆山羅遶爲屏爲戟二
水縈紆爲練爲帶鳶魚飛躍花木榮謝於其間與夫
天地之洪纖變化舉在目前與吾心相融會感通
乎無畛澹之可窺廓乎無物我之可間徜徉自得日
暮忘歸區區形骸固其一時之寄寓彼羽化者亦托
言于超忽云爾況其外之瑣瑣者邪噫嘻斯亦其勝
遊也已從吾者從姪滔吾兒范方外江某三人

湯希閔秋日同桂莘野登陵山絕頂

陵陽之山江介美青天削出芙蓉蕊九子西連海子
南高入青冥下溪水翠環一十一高峯半山仙令有
遺踪百圍古樹巢黃鶴千尺深潭起白龍仙去潭空
松檜冷至今尚剩峯頭景渺渺白雲封藥林泠泠碧
水瀉丹井鴻飛葉落秋氣悲載酒來遊當此時澗迴

徑轉行難立捫蘿攜杖步猶遲山頂西風吹更急遊
人衣薄難久立眺罷還尋絕壑歸倦來重倚空林息
山迴亂木護荒臺徑通更喜平原開手拂雲根發長
嘯聽者多疑鳴鳳來煙浮舒水孤城蔽霧捲陵山千
岫霽銜杯相對且高歌共君莫灑牛山涕勝地豪遊
終有期春晴吾興轉翻飛攜尊一一登峯頂石洞何
辭信宿歸

本朝方文登陵陽山望黃山作

往聞陵陽山上有天柱峯天柱今不見但見雲巒重
引領望黃山燦若青芙蓉相去僅百里何爲阻遊

朗吟太白詩惆悵倚孤松彼有韓侍御尚云未從容
我今無地主欲往將焉從却羨竇子明絳霄騎白龍

錢澄之仙壇

陵陽山半古仙壇下指孤城似彈丸菜麥畦分鋪地
繡芙蓉峯削插天寒窮鄉幾戶容秦吏遺跡千年紀
漢官稍喜斷碑陰有字埽開苔蘚倩人看

王楫遊仙壇宮

訪舊偏多物外緣更聞仙令此昇仙滄桑幾變非秦
世碑版還留是漢年一水似環猶抱郭千峯如笏尚
朝天同來丹鼎尋真處白石黃芽盡可憐

姚子莊九日登陵山

古壇高峙翠微間，騎鶴人今去不還。
詞客到來秋草碧，郎官坐處石牀斑。
一龕佛火藏煙塢，數卷丹經護竹關。
同向白雲堆裏望，丹臺有路許誰攀。
十載看山漸白頭，每逢佳節喜來遊。
凌霄鶴影搖空翠，入暮蟬聲咽素秋。
高樹連雲晴壓帽，寒峯如畫豔當樓。
却憐舊日征書急，此地黃花滿目愁。

蘇汝霖登仙壇宮

壇宮何闕寂，攜友快同遊。
客到輕雲散，鍾鳴衆壑幽。
捫蘿尋石室，紆徑見丹丘。
況屬深秋後，登臨豁遠眸。
萬春山在縣西五里，圓墩小阜有松萬株。
其陽塔兒嶺，金城山在縣西二里。
有宋開福寺，并丁恭愍公黼墓。

宋王渥開福寺

翠林深處款招提，冉冉春風入鼓鼙。
雲獻好山青入座，雨添新漲綠平堤。
樹頭樹底見花發，山後山前聽鳥啼。
踏月歸來聞好語，兒童爭唱白銅鞮。

元伯顏帖木兒侍分司遊開福寺

自慙辛苦一書生，曾聽鴻臚曉唱名。
暫領銅章來石邑，欣陪繡斧上金城。
天涵殿角撐空闊，溪接簷牙漱淺清。
珍重坡仙留玉帶，山門千古有光榮。

廢猷州城在縣東三里今華邨地有城址詳疆域
長林在舒溪南詳疆域

南安山在縣南三里有宋崇明寺明初以慧照寺併入
寺後有龍頭泉

明畢鏘暮春遊崇明寺

山邨綠樹繞野寺白雲深鳥弄參禪語溪流淨客心
輕煙浮遠墅落日滿高林早出歸何晚春風慰盍簪
古山在縣西五里中一峯與鳳凰嶺黃城峯洪子嶺相
對

石壁山在縣西五里其麓雪潭深不可測崖北一石巖
斜入土人云可通大江

黃城峯在縣北三里形如方屏

洪子嶺在縣西二里

鳳凰山在縣南五里山勢巖從若鳳凰振羽有玉泉

五老峯在縣南二里舒溪南北向

芝峯在縣西南五里舊傳子明採芝處其坳即芝嶺

回驢嶺在縣南十里相傳羅昭諫騎驢訪杜彥之相值
嶺上而返故名

明李廷璋回驢嶺

昔賢相遇處把手共徘徊古道留陳迹今人自往來

駝山在縣南十五里

蘆山在縣南十五里

象山在縣北四里岳溪下有赤壁巖

軌軌嶺在縣西里

九鳳嶺在縣北里嶺之高阜有九騰騫而下故名

琉璃嶺在縣西北十五里

兩臺山在縣西十五里山七十二折望之如蓮汎水故

向名蓮花峯頂平如掌五代時西峯禪師卓錫於此建

有海獅菴一泉隨錫而湧名龍井亦名西峯泉今禱

輒應

蓋山在縣南三十里屹立河濱望之如蓋隋書地理志

陽山宣城記蓋山在臨城縣南四有舒姑泉宋劉峻書

十里按石埭自涇縣析置故云昔有舒氏女未適人其父析薪于此女忽坐泉處牽挽

不動父遽告家比來惟見清泉湛然其女性好音樂乃

作弦歌即泉湧出浪回復有赤鯉一雙躍躍今作樂嬉

遊泉猶故沸湧唐浩虛舟舒姑泉賦以記云舒氏女

漂水之上蓋山之前昔有處女化為澄泉瞻風而豔

色如在青實而寒流宛然原夫曠別幽室暗悲韶年

顧容華之莫守望世人而都捐儼弱質以徐求顏猶

灼灼委貞姿而色動聲已消消眷戀無心淒涼故地

念嬋娟之可惜驚變化而殊異俯視清流託誠幽意
陳翫習而斯在庶精魂之能記素鱗頰尾渾非舊日
之容急管繁絃徒盡生平之志既而水府潛處幽冥
既分凝情而淑斂寒色冶態而波生細文泛浮影於
中流遙疑嫋嫋逗鳴湍于別派遠若沄沄由是鱗甲
與游綺羅長阻迷綠沼之迴復忘紅樓之處所源通
湘渚寫幽恨于靈妃流達漢皋導春心于遊女淨色
含虛清輝皎如煙凝泪以香起苔爛斑而錦舒浦水
光搖似動橫波之末崖莎風靡如存鬢髮之餘想夫
紈質已銷陰靈未謝濯衣彩于花晝洗鏡光于月夜
冷不濁殊畫地而俄成滴滴無窮類非井而潛化
且靜而清者水之宜柔而順者女之爲憶朱顏之婉
婉柔碧溜之逶迤浮沫粉聚懸流淚垂泛萍藻而翠
翅碧落動菰蒲而綠帶參差及夫亂草丰首古墟荒
毀雜泥沙之汨沒蔽音容之妖靡至今閭里之人空
傳其名氏

鳳城山在縣西三十里左清溪右玉几前蓋山中峯特
立兩阜翼之如鳳展翅也

鷲峯山在縣西南三十里

魚龍山在縣西三十里山最峻巒下有洞二其一最大者

當口一池水紺碧色口內奇石嶙峋如玉筍如蓮花如
劍如戟有玉柱有芙蓉硯有鍾鼓石有仙人柑盤仙蛙
獅子出龕仙翁諸奇勝凡七折水漸狹則起一石屋寬
廣可容百人亦稍見天日光影土人云中有綠魚白鳥
歲一見之也其一小者相去半里許有宋紹興壬申陳
宗富智題詩舊志載唐李商隱魚龍洞詩本集無故汰之

宋陳宗魚龍洞

天開虛竇涵神異幻出靈泓濟旱農自是生民咸永

賴崇興寺名千載扣洪鍾

富智魚龍洞

一竅玲瓏天鑿成中藏仙跡勝蓬瀛涓涓玉液流巖

窟化作甘霖濟衆生

明李廷璋魚龍洞

洞口桃千樹花開不記春落花隨逝水疑有避秦人

畢鏘秋日友遊魚龍洞

聞說魚龍徑路通巖林颯颯正秋風氣鍾天地原無
始象列山河總太空雲鳥微茫迷幻宇神仙巧妙綴
玄宮叨從白髮歸田後樂與諸君眺覽同

湯顯祖魚龍洞

赤城百里洞仙家坐起西南九片霞日氣玲瓏洲渚

色綠魚青鳥白蓮花

沈懋學魚龍洞

青天綠水湛芙蓉溪轉千巖瀉玉淙怪石倒懸寒滴
翠坐看晴日起魚龍

本朝方文魚龍洞紀遊

正想魚龍勝無從得主人逢君兄弟好贈我詠言新
偶爾商攜屐欣然往問津涼風初過雨沙路不生塵
未覺溪邊遠來尋洞口春小舸穿竇穴列炬照嶙峋
海島層層似鮫宮面面異奇花多蕊苔古植盡松筠
鐘鼓皆成響鯨鯢亦得鱗仙翁著目具老鶴羽毛馴

最妙娑羅樹全遮金粟身水簾飛蝙蝠石檻立麒麟
平坦高坡上依稀淺渚濱方臺容客坐冷飲不妨醇
野興重更燭清謳一啓脣祇疑聽仙樂奚止避狂秦
往路仍深邃舟師怯鬼神石門誰敢入險地不須臻
解艇催迴去蛟螭恐怒噴順流休蕩槳急瀨可垂綸
冥黑如過夜熹微漸及晨茲遊歎奇絕前此更無倫
理策歸邨店褫衣臥草茵山家還送酒爛醉莫辭頻
四美原難邁孤懷豈易陳惟應卜居此長與爾爲鄰

曾燦遊魚龍洞

到此境已盡却從何處行燭花搖壑影石乳落鍾聲

路黑走魑魅氣寒生甲兵遙知歸去晚尚恐夢魂驚
卸甲嶺在縣西四十里舊傳唐宣池刺史查品禦黃巾
賊於此卸甲故名有仙人洞皆石壁長里許可達嶺麓
儲山在縣西四十里由卸甲嶺逶迤復起極其靈秀
龍巖在縣西五十里山石空洞多竹木泉一泓東下一
泓西流名西溪亦名龍巖泉

太極巖舊名龍王洞在龍巖傍數里洞內有石門石臺
石鍾鼓一窺可見天日而夏涼冬燠故明令黃鑿爲易
今名

明黃鑿太極巖

一竅高明日月通天開閭闔照虛空化工不費安排
巧人力難施斧鑿功石室藏春生活水洞雲出岫引
長風分明太極呈形象周子圖書畫洞中

金竹山在縣西四十五里山頂有龍井亦名天井從石
壁百丈而下始及泉汲以禱雨輒應舊龍巖山下龍泉
寺移建於此

壩山在縣西五十里亦有龍王洞洞口有石壇其平如
掌洞內亦有石鍾鼓石棋枰之屬洞前一潭旱禱亦立
應

穰嶺在縣北七十里相傳左難當曾束穰溪中禦寇獲

勝故後人名其溪曰穰溪源之嶺曰穰嶺

七井山在縣西七十里其山與貴池接延袤數十里中

有七井炎暑亦涼上有望江尖竹木蒨翳多產藥材

稠嶺在縣西南八十里

城子山在縣西九十里環繞如城山前有紫潭

鴻陵嶺在縣西南一百里上有白羊巖下一石竇常有

紫氣見鴻陵溪經其麓

櫟山縣志作歷山在縣西一百二十里高五百丈周九十里

與祁門太平接其山石壁峭削中有龍池可百畝池右

一石高丈許直裂為二中擊一九又石鏡縱橫二丈光

可鑑人物皆奇跡也

路史引寰宇記石埭西百六十里有櫟山高五里上有澗水新

志稱櫟山在祁門西八十五里吳非按石埭之山本秋浦析故與祁門界近非東流之歷山也

明楊擢歷山龍池賦

埭之西山川盤錯林壑窈深而其嵯峨傑著者惟歷

之巔獨插漢而千尋層巒疊岫直走鄙濱而數百里

之間無不見其突兀而崢嶸嶠舒然其如展巖截然

而若傾石低昂其磊磊木脩短以森森厥山之陰其

下有谷岡平而松不差溪迴而雲亦曲峭壁卓乎其

體嚴繡屏壯乎其容肅度微風以織波紋响清籟而

飛霧縠中之廣池昔有龍焉修神養晦不知其幾何

年騰鱗吐沫忽于咎于彼天爰命真人知姓維許跨
絕頂而揚威挾飛雲而奮武馬齧而石雙痕劒揮而
巖七竅逐而且追龍受制於鄙渚石與其池勝獲傳
于終古於是崇阿堪賞佳客來遊探仙跡於巖穴噓
爽氣於林丘依嶺嵐而眺遠倚松崖而坐幽其或林
霏半掩岫幌重圍景旣蕭瑟興亦淒其嗟豪腸之莫
遣歎丘壑之我欺乃若木耀曦光波澄雲影麗色可
抒嘉懷亦逞對浩空而高談攬煙花而豪飲至於高
賢達士樂更有真神遊天外識迴人羣借烏魚以觀
物化匪溪山之暢幽情藏于巖于兩眦收百壑於一
襟曠曠焉覺虛空之皆性浩浩乎何色象之非心噫
嘻山閱人久亦識人與將誰浮而誰實果孰賢而孰
愚如山靈之我識我將結茆而深居山爲埭之一山
子一埭之一子雖民物在抱不謝力於勲猷然弓旌
旣至亦何妨出谷而鳴騶

五溪山在縣南一百二十里山上有五溪合流而下
慈雲山在縣西一百三十里有慈雲洞深可三四里石
乳凝結有石磬石板擊之琤然有聲

石門嶺在縣西南一百十里

鳳凰嶺在縣西南一百二十里嶺下二十里爲璉溪鴻

陵溪管溪三水合流處有三巨石橫亘如埭中一石四方平廣尤覺傑然下有一石竇最深縣所由名也寰宇記溪

源有兩石橫亘如埭今按實三石

獅子巖在縣西南一百二十里有巨石五其形肖獅下一洞深不可測

七里嶲路在縣西一百五十里舊縣治北門也詳疆域

蓬山在嶲路下茅山在蓬山下桐巖三姑巖俱在茅山下斗婆山與茅山相近有泉二一掬即盡盡即盈

南山在七里舊縣治南門也有丁香巖朱砂隴宋清居士隱此

掘珠嶺在七里舊縣治東門也其右石燕洞最深廣有石獅石虎石榻

處嶺在七里舊縣治西門也高數百丈有潮洞泉如潮湧作笙磬聲洞口一石坎導之常有巨魚隨潮而出

宋桂冷七里感舊

公署如今作土丘鋪茵芳草昔人遊春容藹藹三年事轉眼風光滿地秋

桂滿庭和韻

封邑新遷作故丘舊絃歌處鹿麋遊而今饒有遺踪

在草砌苔封一片秋

呂大器訪桂大受宿塲上

先歷隋唐幾百秋殘編蠹簡可尋求四圍鐫石皆蒼
蘚幾曲蓬灘繞碧流唐代尚書徵往蹟秦時博士想
前謀遙芳古市西山塲指點桑林作故丘

東山在七里一名殿子山亦作葦子山

木棉山在東山之右舊縣之後山也其麓有木棉洞鴛
鴦洞水洞

楊山在七里南山之左峯巒起伏如馬馳猿挂之狀其
下有冰洞寒暑異候亦名冷煖洞

宋王鎡冰洞

混混源泉見底清石門雲鎖水無聲臨淵蟠距忘歸
去堪瀉詩脾更濯纓

金城山在七里產奇石外如漆中有采如金銀其下金
城洞宋里人桂宗振修煉其內有靈泉

靈泉山在七里內六里許舊有靈泉寺宋治平元年賜
額饒益敕二道并景定五年所鑄鍾並存

宋敕一道係黃綸作行草

書其文不全但存口部侍郎參知政事口口部侍郎參知侍部口又中書侍郎兼戶部尚書平章事口又口兼門下侍郎平章事上下關文甚多治平元年十月三日也又一道亦黃綸作行草書前小字三行云當州治平元年十一月十六日准都進奏院遞到本年十月三日敕命指揮數內石埭縣靈泉院敕賜饒益又大字三行

云具如前事須翻錄敕黃繼連帖饒益寺仰一依今來
敕命指揮所定名額治平元年十二月後大字四行云
守錄事參口權知政事推官口權知軍事判官權通判
公事口比部員外郎知軍州事口具又朱書左右翻鈞
四字于翻錄行下印長二寸闊寸餘丹文已晦按前一
道為敕後一道乃有司奉行至寺者朱書左右翻鈞四
字則封繳原敕
另翻錄以行也

桑塘山在縣西一百六十里中凹而四圍凸其植宜桑
有桑塘洞焦洞石厂

西蛾山在桑塘山之左其麓田中有金釵井塘桂成女
盡節處

宋梅詢金釵井

干戈一夕近山隈烈女捐生獨可哀歎息黃巢千古

恨轆轤荒井沸金釵

蕭公洞在七里坑外明中暗昔有道士蕭公止洞內辟

穀二十餘年仙去因名今俗每歲除夕聞洞內有聲如
蕭管者為豐年如杵臼者為飢

疫

鷹窠巖在縣西南一百五十里石骨削成峻不可上其

石壁有古柏十餘株大約秦漢以上者

杉山在縣西一百六十里高一千餘仞周五十餘里絕

頂有唐開元初鎮國寺義安禪師道場也有鍾樓尖待

月峯螺髻峯寶柱峯火流峯雞足峯伏牛峯六大峯仙

人巖觀音巖霞光嶺沙洪嶺西峯南臺皆聳峙雲表山

南有百丈崖崖下伏龍池深不可測夏秋常有龍現又
鴨兒池亦在南崖下歸雲洞在山之東蓬萊第一洞即
羅漢洞寬廣容數百人內有積翠臺蓮花柱華蓋巖諸
勝山頂有露天泉寺西北有卓錫泉又許由泉飛龍峽
錦繡谷金雞石皆山之名勝貢溪遠其下昔有李太白
讀書堂今廢

○明王紹元蓬萊洞

青山古洞藤蘿外石室丹崖煙霧中臺擁五雲常積
翠花聯一樹欲生紅空庭華蓋虛無座清廟遺音自
在鍾此日登臨成勝覽乘雲我欲跨飛龍

○沈懋學蓬萊洞

天開玉洞欲爲題此地桃源路不迷千疊巒光浮碧
落百盤石磴接丹梯曉看真氣雙龍合晚眺仙臺萬
象低他日山靈終不負吾將從爾結幽棲

劉城遊杉山別蒙公

屈指山中十日住臥我百尺高涼處常翻縹錦貝多
經每穿窈窕無人路受風坐月寺前門數山聽水厓
邊樹觀化畦蔬膳穉間澄懷竹塢松臺去鍾聲共飯
鼓聲茶省公記筆懃公句有時絮說五銓宗勸余著
意三乘悟分贈孤筇作證盟重囑冬初與秋暮閣上

重鋪寒夜單山中或見天花兩稽首尊師古應真辱
惠醍醐及甘露君不見贊公土室已公齋子美詩傳
千載慕

吳應箕杉山寺

杉山山自萬山開夢裏曾驚幾度來雲外僧居天外
寺雨中花散石中臺茗香此日同清磬詩句他年照
綠苔不索空門煩信宿誰令身世絕塵埃

本朝劉廷鑾杉山

積夢到茲遊數爲塵嬰格今朝乍發興山靈笑逋客
忘饑顧盼貪懸流倒滿澹步過炭井前泉流出火腋
渴飲不知時暝色翻近赤漫塵豁我心哀壑侍奇石
精舍歷道旁晚鐘添林僻既懷李白遊欲訊一行迹
征衣怯晚寒疊嶂光猶射山溪道且長物色殊寢瘁
所以西峯禪香阜于此闢

舒溪古延

以續文獻通考作旋溪

漢陵陽子明遊釣處後以蓋山

舒氏三女仙化于此又名舒溪其源二一出太平縣之

弦歌鄉一出縣之舒泉鄉經城南會余溪嶽溪諸水下

涇縣至蕪湖入江溪中有轆轤石在城南五十步許其

石激水旋轉有聲即有賢士出

縣志識曰舒溪轆轤石長至今多驗

溪旁有宋樂尉碧瀾亭元監縣所都灤已臺

湯勉俱廢

唐李白下陵陽浴高溪三門六刺灘

三門橫峻灘六刺走波瀾石驚虎伏起水狀龍紫盤

何慙七里瀨使我欲垂竿

下陵陽溪至澀灘

澀灘鳴嘈嘈兩山足猿猱白波若卷雪側足不容舫

漁子與舟人撐折萬張篙

此詩府縣舊志作賈島今按李白本集改正

宋梅堯臣寄題石埭權縣樂尉碧瀾亭

遙知溪上亭秋水澄泠泠雲影無時翠嵐光到底清

危樓喧晚鼓驚鷺起寒汀聊作淵明飲臨流酒易醒

舊府縣志俱作李商隱

後溪在縣治後其源二一出東九鳳嶺一出北

環縣入舒溪

牧鴨湖在縣南十五里回驢嶺下相傳杜彥之牧鴨處

明李廷璋牧鴨湖

牧鴨人已去空留牧鴨湖為問煙波裏當年事有無

陳廷節牧鴨湖

湖水平堤鷺正肥詩成緩步夕陽歸如今水鴨頭

綠每到春來染客衣

嶽溪在縣治金城山之西源自九華分流嶺經博山西

北入舒溪

雍溪在縣西南三十里以水甚湍急明弘治中郡守陳良器橋于其上邑人陳廷立記

明沈懋學雍溪道中

一道飛泉遠萬峯籃輿遙落紫霞重月明雍水來黃鶴雲起陵陽化白龍

余溪在縣南上五都其流入舒溪

璉溪在縣西南八十里其源二一出大字坑一出石門坑合鴻陵溪管溪經埭石達貴池之池口入江

蓬溪在七里蓬山下亦曰蓬灘灘之上曰栗潭潭之上曰老灘總曰十里河達貴池之秋浦其灘有盤石宋淳

熙五年戊戌刻諸字大如錢至今筆畫無缺

巖潭在余溪南其水從石壁數十尋二疊而下淵深無底內有千人石玉筍峯

五溪在縣西南五溪山上五水合流而下由余溪入舒溪

鴻陵溪在縣西南一百二十里其源出祁門之大洪嶺西北達雷湖城安琅田鴻陵至港口合管溪經埭石達貴池之池口入江

貢溪在縣西南九十里經杉山之麓唐天寶中置倉儲粟膳僧處西流入貴池之秋浦

管溪在縣西一百七十里其源出標山合貢溪達貴池
之池口入江

池州府志卷第十五

池州府志卷第十六

中憲大夫知江南池州府事加六級襄平馬世永編纂

山川志十一 建德

白象山在縣後數十步

即後山宋周必大曰以縣治正倚此山故也

宋令梅

堯臣建朝峯亭於其頂廢後令柴夢規建梅公亭廢元
令吳師道爲即半山亭更建又廢山旁蛻龍洞深廣各
數丈有石刻焚香瀾茗四字

宋梅堯臣朝峯亭

結茅在雲端下連公居靜民訟日以稀風物時來省
薄雷啓蟄戶庶草折陰穎始見筠籠人匆匆摘新茗

高低幽禽鳴遠近發丹杏羣卉葉漸繁微風涵綠影
林表明澄湖牕間俯閭井遊女採菱歸長藤繫剡艇
買酒市橋來踏歌當落景蕭條一鴈飛穉禾千頃
砧杵聲競齊機杼夜方永牧笛吹遠邨輕煙橫碧嶺
霜濃葭莢枯水落灘梁迴魚潭開慘稠楮谷敲冰冷
殘燒綠隴頭積雪在松頂楮楠無冬夏幢蓋一何整
古木傍陰崖潛蚪盤瘦梗龍火腹半枯春辰猶未醒
誰憐卒歲間探賞窮人境此趣還自知寧須享三鼎
玉峯山在縣南半里許其石光瑩如玉宋邑人嚴華得
漢武帝嵩山石刻壽字摹勒山半名壽字崖又舊有福

字崖與之並峙今泐其麓茹蘭亭詳茹蘭溪

○ 明徐紳登玉峯

序邑有玉峯高可攬結峯下茹蘭溪清澈若鏡登歷所至私有託盟

情見乎辭云爾

縣僻山作城衆峯轟寒玉水清石齒齒蘭芳滿幽谷
中有素心人採蘭深澗曲時復躡崇巘曠然騁遐矚
濯纓諒在斯振衣良非局緬懷蘇門生長嘯天地綠
壽字崖

嚴君雅奇尚嵩刻遠攜鐫漢篆八分勁楚山千古妍
雲煙相掩映笙鶴共周旋採藥吾將老山中訪僮僮
本朝高寅玉峯壽字崖

壁立層巒擁座前若呼若拜勢踰躩留傳漢蹟嵩山
似巧奪天工福字連幸獲名分秋浦玉猶堪力借筆
峯巔山青石古蟠奇跡壽我君王咏萬年

南臺山在縣南一里

銅魚山在縣北半里許

北臺山在縣北二里平原一臺塞縣水口

宋梅堯臣五日登北山望競渡

南方傳競渡多在屈平祠簫鼓滿流水風煙生畫旗
千橈速飛鳥兩舸刻靈螭盡日來江畔誰知輕薄兒
鷺臺山在縣西二里有明洪武三年建鷺臺寺

本朝江桓鷺臺寺聞風

分明春樹裏何處得秋聲拂酒微波皺敲花餘夢清
繞吟諸佛起持論古人爭荆聶有餘壯蕭蕭到五更
雞鳴山在縣東二里許有朝霞洞深廣各數丈懸石若
鍾鼓扣之有聲

東山在縣東七里有水簾巖

按縣志稱昔有隱者讀書巖內因名夫子巖後以其

名夫子又更爲仲尼巖是說而又訛矣故仍作水簾巖

宋梅堯臣水簾巖

春山時獨往榛穢旋芟斲飛泉蔽幽巖杳靄疏朝旭
光垂白龍璫鳴漱寒潭玉半壁生畫寒陰草潤秋綠

穿藤出漢口流沫紫山足莫遣吏人來方歌白雪曲
本朝江桓夫子巖瀑布

來聽泉聲一醉眠客心間似萬山泉潺潺終夜忙何
事去與人家灌稻田

○孔人初邀宿東山仲尼巖

十載遐征杖孤策去向三茅開舊宅白鶴橋高接絳
巖千里憑虛整歸翮故里松楸長幾圍莫辭頻響東
山屐泉聲笑語主人歸飛巒懸壑爭歡逆夜半濤瀧
撼客牀特遣飛觥相激射泉聲漸壯人語微唧唧對
牀談在昔奇章輦石競文饒誰向荆榛理陳迹置屋
懸崖恁地牢此是君家舊泉石山靈相勸賦歸來莫
令移文嘲久客

孔尚華次韻

營營世路無中策廝養王公皆夢宅誰能控鶴一翱
翔浴雨排風弄雙翮憶此崇巖名特崇先人著盡蒼
苔屐荆榛手剪搆飛亭跨嶺騎巖三百尺騷吟梵唱
合溪聲夢寐從之成莫逆與君把酒凌蒼煙瀑布依
然流日夕鳥說興亡當鼓吹樹藏甲子迷疇昔花源
徑路屬誰家雪爪荒田贖鴻跡我來尋舊入幽棲白
雲空擁松間石我去三茅咫尺間定有煙霞待逋客

西山在縣西三里羣峯迤邐與梅山相接
雲峯在縣西五里許有雲峯寺宋紹興五年高宗御書
雲峯古刹額尚存

明楊仲遠遊雲峯寺

蒼松翠竹寺門開石路盤雲天際來一曲清溪塵世
隔萬山深處小蓬萊
路入雲深地自偏千峯紫翠一溪煙山僧住久渾忘
却知是人間幾洞天

徐紳遊雲峯寺

陶令歸來興益豪尋僧結社不辭勞青鞵布襪窺雄
路綠壑丹崖伴我曹酒榼綠雲邀落日杖藜隨水出
東皋無因得問西來意悵望秋林空翠濤

鄭三俊春日遊雲峯和徐五台壁間韻

春尋野步興偏豪度壑穿林意豈勞探勝後先咸我
輩行歌上下識誰曹賞心詩酒來幽境極目煙塵動
遠臬日暮相將前問水長風颯颯起松濤

本朝江桓陪何曙初師遊雲峯寺和徐中丞壁間

韻

濟勝情兼具並豪翩然連袂豈云勞屐留後齒支山
徑詩得前身是水曹鍾帶嵐煙過野渡衣沾空翠滿

林皋閑來半日無他事乞得僧瓢泛素濤

戊子春遊雲峯寺再次鄭太宰和徐中丞韻

宜茲靈秀挺人豪高運顏筋腕不勞籠上碧紗因重
寇裁成黃絹欲驚曹勝遊再續綱三紀清嘯猶疑唳
九皋莫道山中無甲子風流誰繼老山濤

梅山在縣西南十里有古崇明寺宋僧志南建松關四

亭

一曰期雲一曰漱碧
一曰空翠一曰熟梅

久廢明崇禎間復建梅山寺踰

寺西南五里許普門嶺宋朱晦翁訪志南至此書嶺下
有留春亭元令吳師道題併書楊次公舊留春亭詩俱

廢

宋梅堯臣遊梅山寺

春山日可愛因訪舊禪宮路繞危溪入橋緣古木通
白雞鳴屋外綠水過庭中獨坐昔云樂何如親友同

臘日出獵因遊梅山蘭若

我與二三騎爭馳孤戍逐麋逢野寺息馬據胡牀
鷹想支公好人思灞上狂歸來何薄暮煙火照溪光

僧志南梅山寺

古木陰中繫短篷杖藜扶我過橋東沾衣欲濕杏花
雨吹面不寒楊柳風

明洪仲遵遊梅山

一逕縈紆入翠微煙光嵐氣溼人衣
野花簇簇青紅間山鳥喳喳來去飛
禪榻香消僧入定齋堂茶罷客忘機
翛然自是乾坤別逸興相牽忘却歸

戴時中遊梅山寺

問訊梅山老梅開第幾枝傳衣來此地
飛錫去何時佛念原無著宗風自有詩
我來倚高閣重起白雲思

孔貞運和戴時中韻

燈燈原自續無樹亦無枝桑海幾經變
梅山到此時橋頭傳古木石上譜殘詩
爲著尋梅句悠然有所思

鄭三俊和戴時中韻

我爲尋梅至寒山未有枝誰將一滴水
擬向過橋時巖上雲留石溪邊蘚沒詩
摩挲不盡意懷古獨深思

鄭三謨和戴時中韻

尋梅山徑仄梅去已無枝衣鉢留何處
雲煙帶舊時披沙磨斷碣立石洗殘詩
不盡登臨興悠然風雨思

鄭思旦和戴時中韻

探梅過古寺清極見寒枝磨碣追前代
尋僧異昔時蘚埋荒路屐煙蝕普門詩
誰解逃禪意鑿崖動我思
低嶺在縣東七里高嶺在縣東十里
其間有迎春洞亦名藏春洞深廣如屋
宋政和中主簿左譽有記今其文

剥落不全

略曰巖洞之形仰者如釜覆者如蓋垂而欲墜者如鍾乳突而旁立者如石筍天矯而下者若游龍滴水落落如噴珠千怪萬狀真奇觀也

博陽山在縣東十里

縣志曰在縣東北十五里

有滴水巖及鯉魚石

蚌珠石佛石宋嘉定中邑令黃丙禱雨有應更名廣陽

山至今旱禱必于此

宋梅堯臣觀博陽山火

十月原野枯連山起狂燒高焰過危峯飛火入遐嶠
玉石被焚灼誰能見輝耀猿猴失輕捷亦不暇相吊
長風又助惡怒號生萬竅炎炎赤龍奔劃劃陰雷笑
願傾寒江潮勢逆難沃澆願傾天河水雖順雲衢遙
青蒿心已爛蔓草根未焦小農候春鋤寒客失冬樵
誰知兼并子平陸閑肥饒不易天地意長養非一朝

本朝江桓庚子清明日重上博陽峯

廿年鍾磬隱相招樵路蒙茸一線遙
龐老攜兒因上冢遠公遲客已過橋
試來石戶經罅窄

原注峯前石高百丈中有

罅可通人行予少時經此以往來怪得林容似鬢凋

惟有茶煙泉語在相陪清話到中宵

次王君昌雪後遊滴水巖

布袍擁雪雙肩聳喜看簷雷晴微洶
門前踏碎幾瓊瑶開門粲粲投雙珙
飄然詩思最清新何以侑之酒

百巡古人畫水令水響未若茲畫之為神憶昨相攜
 展清眺歷歷遊踪收眾妙妙具真堪濟勝情高歌自
 激殊常調沙晴草暖踏蒙茸笑指林端峯外峯十步
 一溪五步石屐齒石齒相淙淙山敬徑仄如刃削天
 半疎篁杪朱閣以拳握膝行且聽晴晝冥冥風雨落
 異哉匡山瀑布幾時移又聞謫仙高叫銀河一派垂
 冷然肌粟不可久光搖銀海生琉璃晶若機上天孫
 線亮若屏中雲母片舞如八月廣陵濤碎如三冬廣
 庭霰怒如撞鍾鐘鏗鏗和如擊玉玉琤琤若攜謝眺
 來投句問汝山靈驚未驚吁嗟乎川自共流山共歸
 名山自古無藏理奈何哉雲深路絕無人知古來奇
 人埋物皆如此歸來索飲三日醒胃中五嶽那能平
 傳君佳句歸吳下要使茲巖擅盛名

堯城山在縣東十里

路史曰池之建德東十里有堯城山縣南三十里有堯城堯祠云堯

巡所至梁武帝于此立太原府按今府縣志無之豈堯城本名而後代更易遂失其傳邪

石印山在縣西七里許有石印洞斷崖石壁隱然印文

舊傳許旌陽逐蛟留蹟於此下有石印池

宋周必大錄縣北六里斷

崖石壁之上有印文圓如馬蹄兩兩相對

對圖經云許旌陽逐蛟至此所留也

歷山在縣東二十里

路史作樞山在縣北二十里為舜城有堯舜二祠有舜井元和郡志

謂是兩帝山上有龍池其下有舜井元令王晉卿名之

曰清泉而亭其上馮勉記按馮勉清泉亭記曰清泉亭

舜井則借而不經又名仙女井則誕而不正至正四年

秋八月縣尹王晉卿改其名曰清泉又詢其舊有結茅

為亭而廢之者

于是作其上

草堂山在縣西二十里有草堂寺金雞石相傳有羅隱

遺蹟

陽鳥山在縣東二十五里山下有洞有潭宋度支郎李

植墓在焉

牽牛嶺在縣西北二十五里通東流

龍潭山在縣西南二十五里上有潭澄泓莫測煙雲醫

之則雨

廢太原府在縣南三十里有堯城堯祠今失其處詳疆

域

華蓋山在縣東三十里上有龍池下有魚龍洞

列疊山在華蓋山之北有古醍醐寺其南麓天山洞其

西屬東流

明鄭三俊天山洞
醍醐疊列影踰躡烏石巉巉亦可田讀罷素書閑徒
倚時看晴鳥度飛煙
本朝嚴鋤天山洞
寥寥孤鶴望人歸
寒牖微光照落暉
舊隱頗思樵徑

熟重來多恐釣磯非定知敞篋琴應冷遙憶東園草
不肥一片歌聲風帶急吳愁暗逐楚雲飛

真龍山在列壘山之東南里許有唐橋洞太子洞相傳
梁昭明太子曾憩此有石屏石柱

五龍山在縣東三十里五峯森立有化龍池

橫山在縣東三十里方正如屏其頂有宋橫山寺山半
一泉大旱不竭下有槐花洞

和山在縣北三十里一洞高廣丈餘中有滴水

留山在縣東三十里有宋留山寺紹興間鑄鍾尚存宋

必大錄留山頂有葛仙壇相傳葛
仙翁煉丹得道處今丹井尚存

明孔自時留山寺遲友人不至

為有心期在前來古寺間是僧聊遠俗方丈且偷閒
竹邊斜通水松房坐見山遲人人不至徒倚欲言還

葛公山在縣東三十里葛公鎮相傳葛洪煉丹地

乘龍山在縣南三十五里有仙乘龍于此名

三面山在縣南四十里有石笋白如人面者三故名

九鳳山在縣南四十里

石乳山在縣東南四十里有方石高十丈許泉出其頂

大羅山在縣東四十五里有石柱巖喻之即小

羅山

本朝孔尚大文龍山

亂蟠千重皆行瞻一線天三春常食荔六月可披綿
鋤外無農器囊中盡客錢採茶邨女出笑屢野花鮮
良禾猶在縣東四十五里嶺下五里許有龍池洞高敞
如畫石池三池下注如正練練

明鄭三龍看龍池洞

朝看雲如飛雲裏自看曉栖鷓時鳴澗草
遠山漫漫風颯颯常聞夜雨聲光怪欲發青
龍血晴曦日出已三年山中猶自雲霧結雲深那
隱著別家散方知豹彩別何時結社三池間清

遠塵勞絕

本朝江杏龍池洞題壁

神龍飛去已千秋隱隱龍光石上浮泉聲帶雨殷雷
寂爪甲昇雲疾雨收夏鼎不須圖罔象閻師鳥用法
僧繇遠山橫翠凌蒼昊疑是蜿蜒天際頭

孔尚豫良禾嶺

紆鬱千盤眾界殊行行復止不勝紆雲攢峯杪聚還
散雨落山甬有似無碧落遙呼疑不隕方州俯闕幾
安厯詎難高舉凌江表長苦風煙暗隙駒

石門嶺在縣東五十里

仙女峯在縣南五十里山頂有泉爲邑諸山之祖

鳴山在縣東五十里其東峯有龍井二西峯有泉從石罅出作鐘磬聲

政坑山在縣南五十里有舖

礦坑山在縣南五十里有宋礦山寺

宋梅堯臣訪礦坑老僧

山深無外事日夕愛潺湲
跌坐樹間石力耕溪上田
解言南國事能咏碧雲篇
莫貴遠公酒余非陶令賢
弔礦坑惠燈上人

生棲雲際巖沒華寺徧邨
破案殘經卷新墳出樹根

松悲隔溪路月照舊山門
自昔多詩句而今幾許存

吳康嶺在縣東北六十里

隱山在縣南七十里有梁寺昭明太子手書隱山之寺

額元令吳師道爲之記寺旁塔尚存

元吳師道隱山寺扁記

建德縣隱山寺有梁昭明太子書榜隱山之寺四大

字昭明性愛山水嘗至池往往有遺跡處或亦涉縣

境中此書傳是其親作餘八百年而宛然獨存亦異

矣宋崇寧褒封有碑墨獨存之語宣和二年尉張昇

摹本以刻于郡城西廟中淳熙守袁說支又取真蹟

龕至神殿側其崇敬如此其所傳信不誣矣師道至元丙子秋以視早抵寺訪尋在東廡室隅塵土翳蝕出之拂拭諦觀歎其筆勢雄雅莊重因語僧義寧曰此何惜一石而不爲永久計邪間稍剝落俾模池廟石本參訂刻之庶幾完善明年春以賑饑復至已買石鑿治未幾來視則石斷不可用矣仍語義寧毋以是懈當決成之又明年六月寧來告曰前之日寺傍溪水暴溢崩岸出巨石高七尺許闊幾半碑製具而無文容字位置且有餘殆神明之靈陰有以相之發端實始於公願紀其際師道因欣然爲書使併刻于

下方云

遶山在縣南七十五里有明順天巡撫徐紳墓

桃野嶺在縣南八十里

雙溪嶺在縣南九十里

松嶺在縣南九十里嶺上下皆古木溪中一石墩高三丈許

永豐監遺址在縣南九十里永豐鎮詳疆域

茶坑嶺在縣南一百里

紙坑山在縣
里有唐詩人建德令周繇處士周

繁兄弟墓

峽峯在縣南一百里峽山村

明柯暹峽峯橋

峽峯橋上倚雕闌秀水佳山取次看欲和陽春歌一曲恐驚星斗落波瀾

羅筆山在縣南一百二十里

茹蘭溪在縣南五百步許其源出迎春朝霞兩洞間西流入堯城溪有元令王晉卿建茹蘭亭于溪上馮勉爲之記

宋梅堯臣徐元與見邀與諸君同遊至峯山溪上作

齋重行行行在墟里攄懷厭樓觀寓興欣山水
斷壁翠連雲寒流清見底主人開綠樽下馬臨芳芷
澄溜瀉灣濬跳波生石齒園林始弄萼泉壠時鳴雉
談謔忘機心笑言驚俗耳曠哉茲日遊何羨稽山美
明魏觀建德溪漲大作

久雨逢戊晴戊日雨不止羽氣淒乘宮土德淪不紀
昏昏陰晦凝四野連蓄水絕壁洄衝波玄林渺中泣
下上鷗鷺馴浮沈蜃蛟喜田廬聚岑阿漁艇繫桑梓
官租欲誰徵軍乏且無已爰觀昏墊情罔究疏濬理
悠悠古聖人惟日思復起

柯薰蘭溪即事

蘭溪溪上惠風和溪上行人發棹歌山錦堆紅留宿
雨水文拖綠漾晴波壯懷豪放詩偏逸離思微茫酒
漫多滿目青山成睽戀數聲啼鳥出煙蘿

堯城溪在縣南二里其源出桃源合大小諸溪達東流
縣入江溪濱堯城鎮為鄱陽孔道舊有堯廟有堯城渡
明萬曆中邑令王浙即渡口築橋名擊壤行旅賴之

宋范仲淹堯廟

千古如天日巍巍與善功禹終平洛水舜在致薰風
江海生靈外乾坤捐讓中鄉人不知此簫鼓謝

張拭堯廟

明祀從千載荒山拱萬靈插天巉絕壁飛瀑下空庭
繪事存淳古真風寄杳冥蘋蘩何以薦帝德日惟馨
本朝沈壽民堯城觀競渡

競渡千年事莫違幾人痛飲讀騷辭傷心屈子沉江
日偏是今人笑舞時

北柵溪在縣北四里有渡元末羅友賢立砦于此
小石潭在縣北十五里宋周必大曰稍前有仙女井
撫掌則感沸俗云仙女喜也

宋梅堯臣小石潭

樹老石連潭潭深煙翠入羣魚石下游獨鳥江上立

泉暖草長綠山高風自急徘徊興不窮苔履雲沾濕

查柵湖在縣北十五里

楊潭湖在縣北十五里

茅亭湖在縣北十五里

黃泥湖在縣北十五里

龍王湖在縣北二十五里

泉水湖在縣北二十五里

抄溪在縣南三十里其源出彭澤達東流以入江

桃源在縣南四十里溪源深邃五季時邑人避亂于此

今步頭邨有宋待制檀倬墓

饒河一名龍口河在縣南九十里其源三一出鄱陽之

南坑一出桃墅嶺一出東西澗匯爲昭潭迤入饒州之

獨山湖西達彭口以入江

池州府志卷第十六

池州府志卷第十七

中憲大夫知江南池州府事加六級襄平馬世永編纂

山川志十二 東流

後山在縣治後有菊所舊傳晉陶潛令彭澤種菊于此
亦名菊臺

明謝明菊臺曉望

疾雲閣雨半陰晴碧眼看花老史明上上菊臺成獨
步秋風惟愛此寒英

鼈石山在縣西菊江門外一磯臨眺大江有菊江亭祀

陶靖節亭本明令楊季方所建望江樓
後令向錦易今名即祠陶靖節

明廖得菊江亭

陶公非是愛黃花花與陶公本一家
嬾向春風競顏色自甘秋露綴英華
寧知發早還先萎到底開遲覺
後賒物理細推元有定銜杯何必月西斜

陳獻章菊江

誰將此菊種江濱物色當年漉酒巾
若道淵明今我是清香還屬隔江人

程敏政菊江

陶家莊子未全荒籬下西風一徑霜
紅紫相看零落盡寒花只作舊時黃

宋邦輔菊江賦

粵先生之鼻祖繫太尉之桓桓闢長沙而啓土暨潯陽以纓簪忠不媿於闕闕義已著於幽蟠初祭酒之解縛又王簿之踰垣惟彭澤之僅爾一令與祿仕之薄而易還爰小童之無知不穀慨膏脊之暫屈難安怒轟轟而雷震下擊壯竝竝而砥柱巾盤褫冠裳而其去如脫窺衡宇而其聚如完遡飄風而問前路趁斜月而鋤南山彼世之沈酣寵利剝蝕浩然雖比死而不悟或再躡而猶鞭其視先生寧不忸怩而厚顏既而典午告終大事去矣卯金僞興神器污矣先生

於時亦謝世故矣爾迺植網常於畎畝噓君臣於燼
煨點永初之建元用義熙之舊紀托酒隱以逃名著
五柳以自誓黃花發而盈把青菰熟而充遂逸興狂
而詩魔天真見而酒魅糟浮浮而葛巾歲蕤鳥喧喧
而素琴函祕知我者謂我瀟灑風塵睥睨玩世不知
我者謂我耽嗜麴蘖禮法自棄至於孤忠大節直道
貞志善藏其用忘言得意曾幾何人而能窺其一二
幸大儒之救世秉麟筆之特書拾南史之斷爛公是
非于校讎煥幽光于黠黠發清響于啁啾名旣登而
始重道彌尊而難儔何下邑之孤陋叨賢哲之遭周
時觀風之一到分把菊于東流古坡嗟而留號故事
遠而寢幽有向侯之好古世後出而前求懷幽人之
獨往哀爛熳之無徒聿祠亭之傑構儼廟貌之魁梧
瞰大江之浩浩見南山之悠悠詩酒斷而復續風月
閑而復收紀奇勝于終古弔高聳于千秋若夫長煙
冪雪慘景悲秋騷人墨客蘭漿松舟或投斷岸或泊
芳洲望高亭而寄慨羨徵士之行休忽不知榮辱之
在已而縱八極於神遊其感人動物懦立頑羞有如
此者同而不謀茲固先生之餘韻而亦興起於賢侯
嗚呼先生清而不詭廉而不枯和而益淡貧而愈腴

我來瞻拜湛清灌兮鷓鴣鳴春還歌亂兮仰追懿範
永貞幹兮自今以始神其翫兮以興嗣歲無漫漶兮

李一元菊江亭

誰知靖節迴瀾志壁立江亭萬古榮直與鯨鼇維四
極豈尋鷗鷺定參盟菊花解語閒情適柳幹舒春勁
節橫為問校書投閣者何如處士更崢嶸

沈雲從飲菊江亭

酌酒江亭駐落暉今人惟羨昔人歸何年黃菊非堪
賞幾見青山不可依檻外奔流千古逝眼前變態霎
時違故園三徑重回首野鶴孤雲自在飛

神山在縣南半里瀕湖山勢外向明令陸芹更曰拱北
山

回龍山在縣北五里一磯澗江澚最險俗稱祝家磯

薰風洞在縣南二十五里

密峯山在縣北二十五里山巔五峯攢如劒戟故名

歷山在縣東三十里南望匡廬西瞰江渚最為雄傑

峯為仙人掌二池一久雨不盈一久旱不涸吳志周勳
誘曹休從

皖道進住江上已從南岸相對歷口為應按歷口歷
山之口也路史歷山在東流縣東三十里高八丈

舜山在縣東三十里與歷山相近舊有堯舜二祠今廢
龍山在縣東三十里

吉陽山在縣北三十里有吉陽鎮巡檢司

黃雀山在縣北四十里林谷幽邃春時多黃雀

隱山在縣南四十里

香山在縣南四十里疊嶂層巒有石巖泉洞之勝其麓香山寺

○ 宋梅堯臣香山寺

有客乘新霽雲林共扣扁輕舟過下渡遠水漲前汀
原隰含幽靄峯巒入杳冥誰知得真趣屐齒石苔青

○ 詹中正香山

浪兀孤舟一葉輕香山登望覺神清幾多怪石全

畫大半奇花不識名猿狖盡當吟裏見煙霞祇向眼
前生官身永約重來此酒滿螺杯月正明

○ 明楊季芳香山寺

春曉捫蘿入紫煙香山洞口問神仙人生有幾閒來
往半醉題詩記歲年

○ 向錦香山寺

偶自尋幽過古川嵌空奇石倚山巔捫蘿入洞衣沾
潤援筆題詩字倒懸勢聳鯨鯢吞蠡澤涼生闔奧宿
江煙憐遊更欲時來往那得乘虛作羽仙

金雞山在縣南四十里與香山近

月山在縣南四十里湖西岸

銅頂山在縣南五十里

白茅山在縣南五十里

鵝鳩嶺在縣南五十里接彭澤界

又溪嶺在縣南五十里接建德界兩山橫亘兩水交流

產異茗

葛仙山在縣東五十里舊傳葛洪煉丹於此迤東十里

有鹿跡石乃洪跨白鹿上昇留跡處

巖山在縣北六十里如虎踞江岸為晚朝山

延壽山在縣東六十里石壁有延壽二大字一泉噴

旱禱多應

白雲山在縣東北七十里接貴池界山有仙人掌有洞

容數百人洞有泉四時不竭

青峯嶺在縣東六十里一作清風嶺

斗嶺在縣東七十里亦名陡上接貴池界

浩山在縣南七十里接彭澤界山有大小二名

青山在縣南七十餘里接彭澤界

大江上自馬當山水府江西彭澤縣界下抵鴈汊貴池

縣界計一百六十里其洲曰蓮花洲在縣西上自稠林磯下至吉陽鎮洲

內有陳家洲在縣北三十里吉陽鎮閣簾洲在陳家洲外白沙洲在縣北九

大新洲在白沙其磯曰響水磯在縣南五十餘里獅磯
 在響水紫石磯在獅牛磯在紫石張公磯在縣南四十
 磯在縣南三白石磯在縣南十五里砲石磯在縣南
 在縣南稠林磯在縣南七里鼈石磯在縣南陸貫磯在縣北
 十五里祝家磯在縣北五里土人祝姓者布吉陽磯在
 亦名麓祝家磯在縣北五里土人祝姓者布吉陽磯在
 貫磯北三十里五代史吳世家行密召李神福討田頔頔遣
 其將王壇迎之行至吉陽磯頔執神福子承鼎以招之
 神福叱左右射之黃石磯在縣北六十里明正德十四
 遂敗壇兵于吉陽黃石磯年秋寧庶人宸濠反南昌舟
 師東下至黃石磯王師敗之遂引歸王世貞江行紀事
 略曰磯在江旁水中大不能一室若巨龜而行舟絕畏
 之寧庶人之叛也問鄉導以磯對惡之立斬對鴈汊絲
 者而毋何遇王師遂敗蓋北音為王失機也鴈汊絲
 牙墩宋陸游入蜀記過鴈翅夾有稅場居民二百許
 家岸下泊船甚眾遂經皖口按雁翅夾即雁汊

宋梅堯臣往東流江口寄內

艇子逐溪流來至碧江頭隨山知幾曲一曲一增愁

巢蘆有翠鳥雄雌自相求擘波投遠空丹喙橫輕脩

呼鳴乃不已共啄向蒼洲而我無羽翼安得與子遊

楊萬里解舟雷江過東流縣

雲散煙還合天晴日半烘青山猶淡白碧水欲輕紅

棹幸欣平浪公無怨逆風回思五湖裏敢望大江東

岳珂過鴈汊

駢集千艘岸喧擊百吏聲黃旗優仕賈白羽困商程

吳楚方憂感研桑漫計贏坐觀還一笑關市古無征

便風經鴈汭宿荻港是日舟行四百里

近岸千帆閑雄襟一昔舒雲程排沸浪風御翼澄虛

都馬波翻縱壑魚經旬歎淹滯此理盍乘除

羊角搏鴻毛迅順時天心應有爲吾道復何疑

岸燎開戎捷礮神倚檣聊一笑且試楚襟披

瞬息四百里經行三十年此時真縮地當日信梯天

岸過人回首山浮浪駕肩望塵何足羨御寇正泠然

○明陶安蓮花洲

絕似蓮花水面浮綠雲香溼立沙鷗何時摘取蓮花

葉駕作中流太乙舟

○望東流

千嶂浮空翠入舟亂雲堆裏指東流無緣結得一段

伴架屋松風最上頭

汪廣洋江上

吉陽泐裏採魚舟採得鮮魚爲食謀偶見官船忽攔

去却如鳧鴨不回頭

○舒芬過東流遇雨

晏歲東流路江雲黯寂寥雨滋帆葉重風急浪花飄

鴻鴈飛何遠蛟龍舞若驕客懷何處遣隔岸酒旗招

○王世貞阻風黃石磯

桃葉江南江北桃花千山萬山捲簾但看白浪沽酒
不減朱顏

長江宛如白龍怒起鱗甲千重惟是江頭山色居然
不改芙蓉

○徐石麒過東流

東流依水置遙望若層空人影蛟宮裏城闔蜃氣中
山開趨背勢帆挂往來風意與雲俱嬾閒情送落鴻
鄒元標東流阻風偕劉公齊萬士瞻登閣

江上停橈興未頽且因佳節躡崔嵬山藏孤邑千尋
轉石障狂瀾百丈迴城外荒臺餘返照空中高

銜杯相逢莫漫悲搖落雲盡峯頭月正來

翩翩結駟曲江頭風雨蕭蕭正暮秋待月漫吟麋鹿
地懷人長倚鳳凰樓蒼松影傍巖前落青桂香從檻
外浮北望狼煙何日淨夢魂猶自傍宸旒

○本朝熊賜履雪泊東流度歲

冰濤雪浪拍孤舟城角悲笳起暮愁飄泊一身慙獻
歲萍踪早已付東流

江口河在縣西一里其源四一出鄱陽北阮一出建德
九鳳山一出建德馬坑一出建德茹蘭溪經查柵溝倉
埠小石潭落于青泥灣渚于仙人湖至口入于江

仙人湖 長南五里建德諸水潴于此舊傳宋建炎中
有七仙人泛舟湖內故名

寨下湖亦名新河在縣北五里陳令春所濬寨即許山
茶也

黃金湖白洋湖在縣南二十里聚縣南諸水由鐵山渡
入于江

香河在縣南四十里其源二一出彭澤山林港一出彭
澤陳倉源交于三汊河遶查池至口入于江口有鎮明
設巡檢司河泊所久廢

宋楊萬里阻風香口

朔吹憎船進東瞰讓雨行雲移青嶂動鴉度白雲明
淹泊寧吾願吟哦且客情江邊一株柳憔悴似餘生
幸自無多雨其如不肯晴響牕疎復密暈水滅還生
鸞競波中影山凝島外情殘春只五日留取作江行
山已多姿了雲仍太劣生濃橫半嶺白淡掃數峯青
照水影顛倒迎曦時晦明吾生不孤殺天賜碧瑤屏
裏泊湖暖水湖夾江湖在香口之上合彭澤諸山之水
開衍七十餘里水大與黃金白洋等湖合水小由香山
口入于江

張家灘在縣東三十五里其源二一出建德魯公堰一

出建德雞冠堰合于雙河口西流經張釗灣下臥虎潭
港口塔裏石潭抵此又沿田埠下貴池之黃溢入于江
其地有鎮

西湖太清湖在縣北四十餘里環廣數十里合九都各
湖之水抵貴池之黃溢入于江

徐濠在縣北六十餘里濠水亦東抵黃溢入江有唐大
曆間建東溪寺

宋梅堯臣東溪寺

行到東溪看水時坐臨孤嶼發船遲野鳥眠岸有
意老樹著花無醜枝短短蒲葑齊似剪平平沙石

如篩情雖不厭住不得薄暮歸來車馬疲

九都湖在縣北一百里其水受西湖太清湖諸水抵黃
溢入江

池州府志卷第十七